

廣德州志

卷首

鳳志 150
72418

序	舊凡例	舊志目
凡例	目錄	圖

光緒七年仲春之月

廣德臨樂

吳門謝鏞某石甫



重修廣德州志序

同治己巳夏誠由部曹改官之皖辛未
冬委辦通志局郵案請郵者惟甯廣
最多時郡邑俱呈志廣建獨無祇鈔
本摭拾大概詢其故緣兵燹焚毀無存
未由稽攷概從其畧蓋歎歎者久之丁
丑春蒞任斯土見土志雜文獄訟繁興

廣德州志

卷首

序

喟然曰向聞此邦民性馴良風俗樸茂
何所見不逮所聞耶迺亟力勸導無
分畛域各安其業土客之見漸融顧
築鰲既馴振興宜亟志苟不修胡
由知古昔之善俗信今而傳後乎
因急覓舊志適於江蘇泰州首署
州篆高君垂慶家得一部係乾隆

壬子胡君文銓重修余展誦再三攷
据詳晰斟酌制謹嚴與武功平涼相
頡頏竊謂極盛難繼踵斯後者其
步武為匪易也猶幸碩果尚存踵
斯後者其續承尤宜急也奈瘡痍
甫定地方疾苦經費又無所出爰
籌墾務荒田聽民承買令墾戶

赴局領憑為墾荒復額計越年餘
撥數千緡竊自喜曰今可作修志
資矣戊寅冬州紳張翰泉太守謁
余曰州志自乾隆壬子州守胡君修
後道光丁未州守裕君續補筆墨
雖不及胡君而嘉慶道光間事幸
賴以傳迄今八十餘年續修此其時

也況今家民糜集土著凋零數十年間諸父老猶有能傳其軼事者倘遲之又久文獻無徵豈不可問余曰善余自下車以來久有此意先生其先得我心乎第斯舉也胡君擅美於前秉筆甚難其人翰泉謂寓吳興時郡志係雲溪丁君寶書

廣德州志

卷首

序

三

總纂其人品學無優頗勝任於是與闔郡諸紳定議動壑費五千緡刻期一年告竣諸從節省冀成斯舉乃申請

上憲幸必所請己卯五月開局庚辰五月藏事即付梓舊志五十卷今增為六十卷門類志仍其舊其藝文

志詩文附載稍繁畧為刪減至忠孝
節義代不乏人名宦鄉閭首經遺
佚者擬補請入祠且此次兵燹惟廣
建為更甚或罵賊捐軀或盡節殉
難指不勝屈即名墳古塚無人奉
祀者亦復不數因派各鄉紳士採
訪自通衢大邑以至窮鄉僻壤悉

廣德州志

卷首

序

四

心揆求不厭精詳庶幾不令湮沒
斯無遺憾耳第一州之廣恐猶
有潛德幽光未經訪聞者俟後之
君子更舉而表彰之以匡不逮是
則余之厚望也夫昔

光緒六年歲次庚辰秋八月丁酉朔

賜進士出身

誥授朝議大夫

欽加知府銜知江南安徽廣德直隸州事

庚午科江南鄉試同考官丙子科

江南鄉試內監試首刑部山東清

吏司主事加六級紀錄五次楚鄂

胡有誠序并書



廣德州志

卷首

序

五

廣德州志舊序

乾隆壬子

志所從來遠矣周禮小史掌四方之志鄭康成謂若晉之乘楚之檇杙魯之春秋明皆記事之書也例推之則越絕書吳越春秋亦不盡率爾之作其後檇杙亡而衡山桐汭春秋傳之趙氏亦書吳壽夢十六年楚舉兵伐吳至衡山而還吳楚有志蓋昉於此然其時未嘗以志名也其直以志名者左傳有周志而漢書十志非其體也藝文志形法家雖紀地之書所述止城郭宮宅不號爲志惟常璩華陽國志及江敞陳畱熊默豫章崔蔚祖海岱沈氏南越當爲

廣德州志

卷首

舊序

今州縣志之權輿而隋經籍志分列諸雜史霸史雜傳則以志與史傳本無甚異故也其地理又多以記名稱志者有常寬蜀志蕭世誠荆南地志闕駟十三州志顧野王輿地志隋區宇圖志他如名山水土全德先賢文章方物異物靈鬼等志各舉一隅故或地或不地唐世地志魏王括地元和郡縣十道四蕃爲最著覽之可坐知天下而專志郡邑者亦未有聞宋明以來遂指不勝屈就今安省所分轄言之宋則劉浩然之合肥宋宜之之無爲胡兆之秋浦羅願之新安范致明之池陽林晡之姑孰王松之蕪湖得

者無不寶祕明地理類四百七十一部府與州志居十之
七中如汪應軫之泗王浩之亳呂景蒙之潁胡松之滁皆
今安徽省所轄州也乃廣德在宋有桐汭志又有趙子直桐
川新志二十卷見於輿地碑目文獻通考陳氏書錄而不
得與劉宋諸人並列至明始載李得陽廣德州志十卷自
是言州志者知有明不知有宋亦似有幸不幸焉夫由前
以觀廣德舊區不見棄於左氏由後以觀桐汭新編早見
遺於宋史然則上下數千年中地遷名易獻闕文殘或且
有指晉廬爲楚舍者況山川文物之紛糅乎此舊志所由

廣德州志

卷首

舊序

二

無善本也今所存萬曆一志卽李中丞之十卷稍爲增潤
者後此一再踵修不復考訂乾隆戊申秋余甫下車展閱
州志往事率多疎誤而自李守重修後已越五十餘年之
久亟思有以更張而恢廓之因事甚艱鉅毋甯有待先以
治民事神之要者次第舉行閱二年稍間方欲進郡紳士
謀之而難其秉筆者會周耕厓先生自皖江來署先生浙
西名宿著書二十餘種於考古尤精經傳宿疑豁如也嘗
論本州橫山卽春秋襄三年之衡山久爲吳興所攘宜爲
汶陽之歸桐水所出主集解所合主水經而謂李吉甫就

溪闢者言之皆確鑿不可易余聞之奮然曰得人矣遂以修志請先生許諾於是申請

大憲遴選郡彥卽於是秋開局於復初書院舊志之善者無不甄錄而正訛補闕汰其繁蕪文其舛陋創作者又十之四根據正史徵引傳記爲門有十爲目七十有五以地域爲全書眉目言之尤詳且覈蓋合道將以下諸志所有彙萃而成是編得五十卷而余以簿書之暇相與往復商確凡閱十有六月始竣州人踴躍共襄登梓是志也出雖未知與桐汭桐川爲何如視萬厯志固有過之無不及卽

廣德州志

卷首

舊序

三

癖左者亦將資以考証也已乾隆五十有七年歲次壬子冬十有一月丙申朔

賜進士出身

誥授奉政大夫知江南安徽直隸廣德州事前署甯國府知府事戶部雲南清吏司主事加五級紀錄入次大興胡文銓序

廣德州志題辭

余以溝愚薄遊桐汭 郡伯胡衡齋先生若有夙契居月餘屬修州志且曰舍其舊而新是圖因取萬厯以來諸志

閱之信有當掃而更者與同事考訂蒐輯不辭勞瘁者歲餘但期傳信以答

賢守盛心而已當否未敢知也局設復初書院復初本明鄒文莊公講學處在院東數武尊經閣尙其遺蹟院久廢故重建者仍其名於此方文莊之修志也自序謂與諸生從事復初之教茶陵龍子以舊志弗稱亟以見委然則筆削之任卽在講舍明矣惜其書未竟不獲與武功平涼並稱而後之修輯者卒亦無由步趨也余與文莊奚啻駑駘之逐騏驥雖狂奔盡氣不能及況無三美卽不能無四患

廣德州志

卷首

舊序

四

敢弗吮毫而滋懼乎乃其地則俱在復初書院且前李守修志在萬曆壬子今歲亦在壬子告成之月又在壬子朔日丙申越七日癸卯爲長至節於易道皆爲復是雖若適然之數當非盡適然之數也特識之至纂輯大凡例言已詳海甯周廣業書

廣德州志後序

乾隆甲寅

乾隆庚戌十月其福任廣德學官入廟拜

先師後例拜各祠畢卽求州志讀之竊謂是邦之名宦鄉賢忠臣孝子可以展卷而瞭如也詎志中所載各祠有詳

其址而不載所祀之人有記其人而略其所建之址一斑
既見全豹可知由是春秋所崇祀如忠義祠牌之大書雙
忠二蔡求之志中不載詢之郡人不知福之先高祖諱鍾
彥公明季官工部甲申殉難

今天子四十一年蒙

恩賜謚忠節事載

欽定勝朝殉節諸臣錄中福忠臣之裔也於死難之賢而
無可稽考於心有耿耿焉其他志載其祠而略其址如前
明賢守段張諸公之祠欲一展謁而莫知其處竊不能不

廣德州志

卷首

舊序

五

怪州志之漏略如是也辛亥秋郡伯大興胡公開局修志
延請海甯周耕厓先生爲總纂命福偕訓導涇川吳君景
濂與其事吳君分纂列女志福分纂選舉志福私幸是書
得遇修舉廢墜之賢刺史更得博學端方之總纂可以微
顯闡幽訂訛正繆爲一大快而又竊苦選舉一門人才所
彙人物營建藝文各門相爲表裏舊志一部中觸處牴牾
動相矛盾又萬歷志以後楊門李三志忽增忽刪忽改忽
倒一無據依莫知適從且總纂之令一人一事一地一官
一科一年務稽正史次及羣書訛者正遺者補齟齬者存

疑今稍忽略後無表著之日以福之才學謏陋肩斯重任恐遺憾幽潛爲一大懼不但已也耕厓先生謂福曰地域志一書之綱領也吾自任之若營建志中之學校壇廟司鐸者身之所居春秋之所有事非君而誰屬福敬諾之而前之耿耿於心者至此而更惴惴焉矣其安能使閱者展卷而瞭如耶其安能按冊而求可以舉步而得無不脗合耶會福甥孫楊樞偕福從孫湘于壬子春來桐樞婁之名士也福挽其搜討而以湘言於郡伯命司繪事使周視境內山水橋廟圖其名勝舊志訛者正缺者補併使同諸生

廣德州志

卷首

舊序

六

之任採訪者絜搨工徧摹城鄉石刻以備採錄福與樞寢食復初書院中參互考訂牴牾其其憤糾正同其快兩人所見必質之耕厓先生而始定於是不特二蔡昭然卽宋之吳琦明之林英輩十數君子勁節英名盡皆燦如星日俎豆千秋矣段張諸公之祠匿者圮者彰之新之而詳載之可以按冊而求舉步而得矣且選舉志中宗室藩戚諸人路分刷卷講書典膳諸官南唐庚午南宋乙亥諸年特奏名左右榜諸科訂正標出者指不勝屈凡以求閱者之不至耿耿於心耳願自春徂冬在復初書院晦明風雨未

嘗一日舍業而嬉噫亦可謂盡心焉矣是書之成福一人如是分纂如訓導吳君亦如是也他如山長震澤倪雪汀樹枚纂人物紹興胡碧山江纂營建都人名宿章毓良纂田賦戈溱纂典禮及雜志之軼聞叢綴濮陽翀纂職官王文琴纂藝文及雜志之祥異兵寇誰不參稽辨難幾易稿而成者耶更有諸生吳汝梅方汝甯沈履仁登瀛懷五煒超周夢霞駱熊潘堯恭躍龍鳳梧陳錫範王雲濮陽詢劉喆及福姪敘彝從孫祀懷凡搜考討論校讐繕寫之事時或合參時或分任無不欲求此書之一無遺憾而耕厓先

廣德州志

卷首

舊序

七

生既纂地域一門復以營建志之兵防津梁職官志之宦績人物志之忠烈關係甚鉅又皆出自己手且諸賢問難卽與商榷脫稿就正筆削維嚴福見其每於午夜猶點竄塗改世之修志而爲總纂者幾見有是人耶凡若此者上以仰答郡伯與各大憲之盛心下以使此邦得有信史不虛此一修也云爾然而猶有難焉者是書開梓於壬子之冬郡人城鄉採訪勸募者有吳澄巫佩沈遇霖陳啟宗章忠沈淦張用清徐菊芳戈萬程濮陽詡濮陽梧劉均裘林陳祖楷戈錫祉鄭斌劉林趙輝清李朝陽甯玉成雲原趙

甯國諸人鼓舞士民踴躍從事何一不冀是書速成俾如
景星慶雲爭先快覩也乃卷帙繁多至甲寅春而猶未畢
刻會胡公以保薦入 都我吳芝厓瞿公來攝郡篆旣下
車仔仔以造士愛民爲心新令尹與舊令尹之政若合符
節興義學新養濟院育嬰堂諸大事次第舉行而深以志
書未竣爲慮有諸生胡召與其父來謁福諷以解囊胡生
父子慨然助錢百八十千而五十卷書於夏五月中畢工
矣數十人秉筆之苦心藉非胡生之身於爲義雖有微顯
聞幽訂訛正繆之信史其能爭先快覩乎書成而梓圖苦
更無胡生其人者故遲至十月始得歲事梓人謂志書例
有後序福才學謏陋何敢續貂且言之有類於矜且伐者
又安用斯言爲雖然是書非遇造士愛民修舉廢墜之郡
伯與博學端方微顯聞幽不憚勞瘁之總纂諸人焉得而
樂爲之盡心士民焉得而樂爲之伙助修之難刻之難非
身其事者言之將誰言之而誰知之而後之繼此而修者
又安保其肯若茲之鄭重以爲之是則福不敢避矜且伐
之罪而附贅此言於卷末以敬告後之繼此而修者皆乾
隆五十九年歲次甲寅十有一月長至日廣德州學正前

署蘇州府教授丁酉科舉人華亭王其福謹識

增補廣德州志序

道光丁未

廣德古桐汭地也漢唐而後名宦莫著於范文正公地方風淳俗美英賢迭出志乘具在固已班班可考無庸贅述惟自乾隆五十七年前刺史修輯之後迄今又幾六十年歲月寢久曾未有踵而修之者不有以述之後之人將何以徵文考獻乎丙午歲余奉檄權篆是邦甫下車吏卽舉書以進公餘之暇得竟讀之惟近事無傳未免多所闕略心竊憾焉適聞前署州蘭圃張先生文鳳嘗採有成書會

廣德州志

卷首

舊序

九

別遷他任未克藏事亟命吏檢得之其中自上屆修輯至道光五年凡名教節烈風化攸關而志中所未及載者條條秩秩無不臚列此可以見先生之遐搜博採非一日功其拾遺補闕實有以先獲我心也爰爲逐一校訂補其遺存其實裒成十六卷捐廉付梓剞劂既竣爲述其緣起云道光二十七年歲次丁未季秋月署廣德直隸州事安慶府同知加十級紀錄十次長白裕文序

例言

直隸州視府屬州視縣明制也

皇朝因之蓋以直隸州有統轄之縣故得視府然則志府者先附郭次旁縣志直隸州者先本州次屬縣乃不易之體例也萬厯志惟建置食貨二門得之山川選舉已爲分別至秩官不及建平與屬州何別楊門等志自疆域以下州自爲州縣自爲縣并沿革亦必複敘則是州縣合志矣門志於每門之下注云附建平縣尤非此由修輯者各自謄抄不暇相顧故有名目

廣德州志

卷首

舊例言

一

互異條式迥殊亦未改歸一律者今一以州統縣其間如地域營建限於方隅宜比次而及名蹟卽可綜敘但注建平二字別之選舉繫以年職官斷以代人物列女區以類各門所載縣事亦非意爲詳略至沿革則先說後表山川類附岡嶺尤詳塘壩者水利所關此類言不一端義各有當皆有總序小序明之

志以傳信非可憑臆而談州之文獻雖稍散軼而衡山桐汭見於經桐水白石見於傳注令長自漢費鳳吳呂蒙以下人物自倪濤王儔以下俱炳見史傳非

無徵也舊志踵相沿襲舛錯居多今遍稽載籍明注
書名或所聞異辭卽兼收以備參考但志家因易而
創難萬厯以前旣無可考則李守諸志猶趙子直鄒
文莊之殘膏剩馥也其敢數典而忘他若南畿一統
與夫江南通志尤後事之師也均當臚列

舊志不惟採擇兼錄目略於卷首者明有本也然本
之而已非徒襲之爲己有也桐汭桐川二志已佚鄒
文莊尙存一序其修志不越稽載藉訪故老二法而
就緒必待踰年繼此告成甚速其書絕類已出實則

鼠喙雷同若再訛以傳訛此邦終無信史矣故必蒼
萃羣言細加參核矛盾者改使合符歧誤者折衷一
是繁蕪悉汰謬誤必糾遇可節取卽單詞隻句亦所
不遺仍標注書名使讀者其相覆按權其得失以匡
所不逮知非好爲立異也

地理有志始於孟堅郡縣名下間序山川至劉宣卿
補注范書援引尤富古蹟城池宮室市聚無不綜舉
宋志備詳治所唐則兼及戶口貢賦物產蓋有土斯
有財用今次地域以營建田賦遵此例也首以圖者

周禮司書掌土地之圖經野正訟於是乎取之所繫尤重也富加以教儉示以禮故次典禮繫以風俗者行禮不求變俗也然此豈民之自爲政哉道在董勸得人故次職官范文正振興於前錢洪諸公導揚於後科貢士女由此盛焉州之事略備矣更有文以紀之祥異以察時變兵寇以資備豫亦州所有事也以雜志統之

郡邑建置地志之綱領也居是土志是邦而不知所自出及歷代興廢分合之故與夫名字更易之由識

者病之矣廣德本秦鄣郡漢故鄣縣建安初廣德縣始見吳志迄今千數百年如劉宋之分置綏安隋之避改大德又改綏安唐之桐陳懷德明初之廣陽皆暫改旋復故其名爲最古萬歷志所載本略尤謬者以漢成帝鴻嘉二年之廣德國強爲牽合又誤認吳嘉禾中張純爲光武朝張純遂謂光武中平二年分置廣德縣又云晉太康二年置廣德縣後人附和莫或知其失者茲悉據正史旁參傳記說貴詳明表宜簡要然後廣德之名定名定而仰應星躔俯居地勝

疆界遠近夫家多寡可得而言矣

王子衡詩云千峯萬峯廣德路州固山窟也然如桐水之南出白石東合南江杜元凱酈道元皆能言之則亦非無川矣舊志於其分支別派槩不之詳大率山不盡名太首最高爲境內諸山之祖卽白石也延袤二十里而顯奇於靈山又層巒疊嶂五十里而聳秀於笄山爲州之案西北旋繞如帶環城十里許地平如掌而郭西衡山實爲之鎮溪凡四十有八無量爲大可乘筏達建平水滿時亦可通舟山田高仰灌

溉是資宋洪慶善六百塘猶有存者而壩以蓄水亦所必需萬厯志陂塘圩田列山川後極是河渠溝洫二而一者也楊門志附田賦後舛矣今備錄陂塘新添壩堰焉至萬厯志古蹟入叢譚雜列祠廟倉署基址亦嫌太陋今移歸建置而登其雅馴者曰名蹟經營締造有始事焉有踵事焉有終事焉自城郭以及壇廟皆守土之責也廨宇學校頭緒尤繁舊志紛糅莫辨今考諸志乘參諸碑板證諸案牘總絜於前分列於後其地其人其年誤者正之闕者補之凡屬

工役土木並然再以紀述之文隨條摘附庶覽者於
創因興廢了然心目寺觀類出募貲不無耗損而地
多據勝遊憇者歸焉易墓雖非古制而三板之封十
字之碑誰爲爲之乎舊志娘子茅王徒資談助茲博
訪周咨名賢墳壠略見於茲矣

江南財賦之區獨廣德以山嶠田少賦輕前代屢經
兵燹土著亦鮮伏遇

盛朝休養撫綏百數十年來民殷物阜共樂昇平加以滋
生之丁永無加賦蠲租販貨史不絕書而土風愿樸
踴躍急公志家於田賦一書益徵

廣德州志

卷首

舊例言

五

邇治之隆矣徵輸條款在明以前者悉仍其舊間援他書
以補其闕

國朝則恪遵賦役全書兼著每年墾增諸額及鹽茶源委
催科者可按籍而稽也惟納米水陽道里較遠明萬
厯間曾改折色以便民不久卽廢論者惜之然利不
十不變法且小民饜飫

皇仁無不輸將恐後正未敢輕議更張也蠲卹一目舊志
失載茲特詳敘以彰

曠典至物產以昭地力楊志刪去其半亦非也

州志而敘典禮似涉於夸然而學道弦歌用之武城豈建麾守郡反無所以行禮而視化乎廣德在宋明之世濟濟英賢文物稱盛近雖稍替而遺風猶在鄒文莊判州日酌四禮刻之名曰諭俗禮要自序謂率生童習禮於學雖毀齒之童周旋進退彬彬可觀則州之講於禮舊矣舊志不列此目非也今特上紀朝章下述民風俾沐浴聖化者咸知所觀感焉

廣德州志

卷首

舊例言

六

職官一門舊志相沿最謬者於唐書武德年綏安令而不及至德後廣德令於宋但書建平縣知縣而無廣德縣知縣又書置廣德軍知州軍一人軍謂兵州謂民政宋史有明文奈何以一人兼之宦籍首張純又彘入裴松之等此皆不容不辨者既略見於篇中矣萬厯志於宋元參判丞尉雜入守令明始分別已爲未合楊門諸志乃劃分厯朝郡守厯朝佐貳遂致同時僚案恍如隔世而吳呂蒙張純等皆縣令也概以郡守宋范志道蔣夔亦縣令也又概以佐貳其他

疎漏無論矣今爲斷代敘列先列一朝應有之員於首而後依尊卑爲序漢迄南唐爲數無多入宋始詳以守令爲主分領僚屬教職所補凡八九十人其蒞任去官年月宋題名記已逸故萬厯志率無任年間有之楊門又輒刪去是以諸所建置按之碑記動相牴牾茲逐一考核有確據者卽明注任年并云見某記補者注云從某書補又於敘次中每段大書據某某志惟字號籍貫旁採他書者不復注以避瑣碎至干城之寄楊門志入兵防李志入武備今接敘文員

廣德州志

卷首

舊例言

七

之後始於元詳於

昭代統名曰武職焉宦績分爲二卷一爲守土之官費鳳等若干人一爲巡方之官岳武穆眞西山王修撰等舊誤入寓賢者也封爵仍舊志而詳加訂補其妄竄入者刪之

州有進士始於宋萬厯志所載建平趙氏多至十八人名連汝字者十有一州無趙氏登進士者而薦辟所列亦十有六宋元舉人未有定名初不注擬而州縣各有三人入仕此皆可疑者故南畿志略去之進

士鄉舉皆始明洪武已詳論之錄中矣其敘次之法
薦辟以朝進士以榜舉人副榜以甲子歲恩拔貢以
年例監掾選以筮仕前後武科亦以甲子武弁以功
封廕賓介以家世齒德如農夫之有畔不能越也惟
貢監一途最爲糾紛收載稍寬各有說詳見逐條之
下

廣德人物見於元混一方輿勝覽者止張介查深二
人此非專紀一郡之書漏略固宜萬厯志出自李中
丞之手而鄉賢止十人附傳十人宋王儔李唐俊王

汝翼諸公炳見史文皆不立傳而李嘉言錢用王輩
無論矣至附傳之夏良心純用行狀尤乖體製此外
孝子義民等寥寥數人中忽敘入恩封掾選不倫實
甚楊志改歸選舉是也又於鄉賢分名賢文學宦績
懿行隱逸五日列女寓賢自爲卷門志改懿行爲孝
義李志統以宦績儒碩而以武功文學分附之改列
女爲節烈寓賢爲流寓名目稍殊文無增損今詳據
正史參酌各志首列名臣特立忠烈一目以紀王李
諸公而循吏繼焉查張分冠儒碩隱逸而文武孝義

各使分道揚鑣寓而非賢不足紀苟賢矣不應在列女後方伎雖小道仙釋雖旁門亦人物也不應入之叢譚自唐以來得若干人其增入續載者或援譜傳或出公評尤必訪求確實方敢登載仍詳來歷於其下而舊志之繁冗者汰之鄙陋者文之罄心斟酌猶未知當否也

列女入史自范蔚宗以來書法皆冠以某女某妻某母從人之義也南畿志江南通志亦然萬歷諸志獨以某妻繫某氏下不惟夫失其綱亦非我儀我特之

廣德州志

卷首

舊例言

九

心矣今悉改從史例其位置萬歷志在孝子後楊門李三志雖另卷而仍在隱逸寓賢前於遠嫌之道未得今與人物各自爲門依通志分完節義烈貞孝三目

聖朝褒錫之典最爲優隆而曩代亦間有焉故其中又分奉旌奉獎請旌三行自州及縣俱以年爲斷惟旌獎尙有待者以已故現存爲序但公舉縣申年月紛錯爲數繁多難以戶曉先州後縣各序之並非自紊其例至據各氏譜增者概無年限明以前統附於後順

治以後略爲序次而已更立賢媛一目附入閩秀亦志家通例也

藝文始於漢志有錄無文郡邑乘因之連篇累牘究於本書何裨茲所裒集固非鬪靡并不徒在手筆之工也蓋其文必當詳載於是州之志而各門無可附見亦斷不敢僅僅附見者如真西山之表狀錢洪二公之諭示以及折漕禁煤諸碑是也又有同一紀事而其言關繫治體學術及風俗人心之大者如曾南豐以下解宇城池學廟諸記鄒文莊諸序及淫祠溺

女之禁是也爲目有六曰表疏曰諭禁曰碑記曰雜著曰詩曰書目擇其尤雅去取綦嚴雜著者不拘一體銘跋序文詞無泛設詩備觀風遊目騁懷之作概不濫登前賢著作乃一郡之菁華舊志僅列其目掛漏旣多次亦凌亂今詳加釐定兼條始末庶不失班氏遺法

祥異者五行之事史家繫之天文而志非其倫也萬厯志以瑞應災異入叢譚楊李不言瑞應門志移附星野皆非也其所記祇據州人傳聞而不知正史所

書累幅難竟春秋楚伐吳以來兵禍不可勝紀舊志不及一字豈思患預防之道乎至若碎字佚文均宜撫拾鬼神幽怪亦堪警世皆攷而存之在漢志祥異爲陰陽家兵寇爲兵家軼聞叢綴爲小說家故統名爲雜志云

是志始於辛亥仲秋先訪求舊志自本州以及統志自前明以及元和次稽考羣書發篋借人隨覽隨錄次摩搨碑碣自通都名勝以及山巔水湄凡苔蘚所封泥沙所覆者無不搜剔或全錄或摘抄次咨訪老

成自城及鄉榜諭啟徵務詳務核然後分門別目創爲叢稿凡三四易而後定一事涉疑羣相參酌一字小訛共相質難閱十有六月始竣蓋疎誤於前不得不審覈於後也然而山僻絕少藏書採輯恐難詳盡且卷帙繁多雖精心勘對不無魚虎掃葉之喻願閱者共勛之

廣德州志題辭

已卯仲夏桐川張翰泉太守寓書於陸存齋觀察約
余重修廣德州志僕自揣學術荒陋不足以與此辭
不獲已遂至桐川 張君暨 州守胡君出示州志
二部一修於乾隆王子一修於道光丁未郡人士兵
燹之後文獻無徵議自道光裕志以後採訪事實補
綴於後較易成書乾隆志爲海甯周耕厓屬稿詳瞻
有法裕志遠不及胡志遺漏誤謬行行而有與諸同
志力爲搜索其相探討實事求是質諸 張君而後

廣德州志

卷首

題辭

一

定稿於新通志訂正訛誤亦多 張君仕燕有循聲
名滿天下及觀其詩文都可誦幾乎以政事掩其文
章志中傳稿有爲其手撰者惟予以事故返里數輟
業閱一歲而書成負憾多矣明鄒文莊嘗修州志不
得見而周耕崖自序其書云予與文莊奚啻鶖駘之
逐騏驥雖狂奔盡氣不能及予之與周耕厓抑有甚
焉自來修志家往往抄撮舊文略爲改易數字擅爲
已有此志家通弊識者鄙之是志欲不沒前人之功
故仿宋元續志體例爲之所異者新增事實附綴於

每卷之後循舊例而稍爲變通詳在凡例續貂之誚
其能免乎

凡例

一州志自宋以來代有增修今所存者乾隆壬子胡
志道光丁未裕志二書胡志五十卷搜羅考證突過
前人夙稱善本裕志十六卷卽續補胡志爲書雖潦
草而嘉慶道光間事幸賴以存咸豐末被兵後二志
僅存以胡志體裁爲最善每事後各加案語未敢掠
美爰循其舊以裕志所載及咸豐以來新增之事依

廣德州志

卷首

凡例

二

類補入先胡後裕續以新纂庶爲有條不紊

一胡志舊分五十卷今增廣爲六十卷門類悉仍其
舊凡有增補列於裕志之後裕志缺則列於胡志之
後惟營造志所載各事厯有興廢今逐條分註復加
總案於每卷後欲使閱者瞭然

一胡志採摭詩文附載各門甚多其有無關掌故者
節錄其文刪繁就簡詩之不足存者去其一二
一州中善後事宜如撫卹掩埋墾荒招考禁開煤礦
各文卷悉抄載民生關係故不厭其繁

一裕志敘事詳於廣德而略於建平豈當時急於成書故歟但自今追溯事往年湮採輯無多只抱闕如之恨裕志所據多雜抄公牘今或增損略加潤色且有與胡志重複者俱削之

一裕志多仕籍一門胡志所無今據以補入列於揀選後惟於例貢無所增胡志壽官義官今日并無此名目但仍其舊無所增減

一兵燹後州中書籍燬失無從稽考胡志間有未洽處偶有管見爲補正一卷附末以俟後人審定惟所增前朝名宦人物按年補入注明出處復加案語於後

廣德州志

卷首

凡例

三

一胡志卷首有舊志目今仿長興邢志之舊志緣起以舊志序文改附各志目後惟胡裕二志序文凡例及舊志目仍冠於前以見今日修志卽繼胡裕二志而續成之先哲云亡私心嚮慕庶開卷知有所自云

重修廣德州志職名

主修

知府銜廣德州直隸州知州 胡有誠

總理

二品封職前直隸天津府知府 張光藻

纂修

浙江歸安布衣 丁寶書

協修

湖北長陽歲貢 譚文鏞

廣德州志

卷首

職名

一

校勘

廣德州學正 吳慎旃

廣德州訓導 吳毓篋

涇縣舉人 吳觀寶

恩貢生 王蔚

採訪

候選教諭 范祖文

候選訓導 濮陽楷

候選訓導 步雲梯

試用訓導 蔡立榮

候選直隸州州判 王恩澤

浙江候補從九品 董祥鳴

歲貢 吳翰源

歲貢 張雲錦

附 歲貢 濮陽球

附 貢 濮陽杰

附 貢 章耀文

附 貢 陳紀

廣德州志

卷首

職名

二

例貢 王朝彥

廩生 濮陽熙

附 貢 步雲

附 貢 胡生浦

董事

盱眙 訓導 陳芳翰

浙江候補從九品 董祥鳴

候選直隸州州判 王恩澤

增 貢 葛廷瑞

建平縣志局

協修

五品銜試用訓導 戴名賢

歲貢 呂學仁

採訪

試用訓導 呂能

廩貢 嚴際泰

附貢 楊占春

增 王輔賢

廣德州志

卷首

職名

三

董事

候選訓導 楊增標

候選縣丞 王廷楨

五品銜江蘇試用從九品 楊瀛洲

附貢 宗寅

貢 岑震宇

校字

選用府經歷 傅家齊

附 戴國恩

廣德州屬舊志緣起

桐汭志

宋郡守趙亮夫序見王象之輿地碑記目不著撰人

案南畿志修於明嘉靖十三四年間尚引此志則其亡

失當在鄒志告成後也江南通志所引有桐川志文與

桐汭志同意有異名歟亮夫知軍在淳熙十一年

桐汭新志二十卷

宋紹定五年教授錢塘趙子直撰太守林棐序見陳振

孫書錄解題

紹定舊訛紹興詳職官

案周秉秀於嘉熙己亥纂

廣德州志

卷首

舊志緣起

一

祠山事要指掌集引之亦作桐川新志此與桐汭志雖

俱逸而名不可沒甯瑞鯉序李得中志直云廣德故無

志非也

宏治廣德州志

明宏治年知州范昌齡修案范於宏治十七年任諸

志俱不言其修志萬厯建置志序城池有云出范昌齡

志此其證也甯瑞鯉序萬厯志云宏治嘉靖兩志如霜

林之殘葉蓋亦殘缺久矣

嘉靖廣德州志

嘉靖五年判官鄒守益纂州守龍大有主修未成徙官去至十四年州守朱麟取舊稿續成之

鄒守益廣德州志序云嘉靖丙戌守益判廣德二年矣曰與諸生從事於復初之教會茶陵龍子大有視州政亟以州志見委曰是州雖小高皇帝常臨之矣天戈所指有勦造之勤焉雲章所頒有昭回之光焉優詔所恤有蠲復之惠焉而舊志弗稱子盍圖之予曰茲惟艱哉崇朴則易於野尙文則易於浮覈實則易於刻博愛則易於濫是四患者惟子其詔之龍子曰惟能復初者可

以語志矣惟皇上帝降明德於民若明鑑然妍媸高卑其孰能遁之故勉而修之之謂學修而覺之之謂識覺而達之之謂才夫是之謂三美余曰未之能復也忿憶好樂有而不化也而明之體病矣親愛賤惡辟而不節也而明之用病矣故君子之覺莫若廓然而大公物來而順應夫是以一塵不病而萬化以貞請由是而學焉其可乎乃問同志之彥而屬之曰夫學而無倦識而無障才而無窒朴而無野文而無浮覈而無刻博而無濫吾與二三子盍敬圖其始於是稽羣籍訪故老定爲圖

爲表爲志爲傳逾年將就緒而龍子與余皆徙南都以去後政者不相謀遂以中尼比子臥疾山中而胡子萬里自關中來視政圖終其舉又以覲事別遷中尼復得吾鄉廬陵朱子麟來亟遣使索舊稿如龍子之委乃束稿付諸生使敬圖其終而復於朱子曰復初之教其責又在子矣子其與諸生日昭明德以立大公而擴順應章好以示民之俗慎惡以御民之淫使四患以屏三美以臻勒成邦國之典則謀始者藉以不替而效法者視以不眩皆子之賜也觀風者行采之以獻明主祇率烈

廣德州志

卷首

舊志緣起

三

祖之休布神武以覲耿光緝聖學以化人文需至仁以蘇勞瘁將明明德於萬邦而況一州乎艸莽雖病敬拜手以樂其成

案修志屬之文莊可謂得人序言稽羣籍訪故老定爲圖表志傳踰年始將就緒其詳慎可想時方修南畿志廣德同知方一蘭判官涂相俱在分纂之列則知南畿志所載皆鄒志也季中丞志當用此爲粉本今見於萬厯志者間有疏誤恐不盡原文矣

廣德州志十卷

萬曆年州人李得陽修見明史藝文志案甯瑞鯉序
李得中志謂萬曆初志猶仍簡略至李守謀修之首採
李中丞之家藏旁搜故老之述記則中丞是志初未嘗
刻明史所錄殆卽李守之志歟

萬曆廣德州志十卷

萬曆四十年州守李得中主修學正李日滋訓導徐文
淵等纂大率仍李中丞志稍加潤焉故篇端首列李得
陽名而得中次之後序云兩月竣事有李自序及甯序
今所稱萬曆志是也明志僅存此本其年歲在壬子今
年歲亦在壬子蓋二百四十年矣

廣德州志

卷首

舊志緣起

四

李得中廣德州志序云桐故爲高皇首善地列於南輔
之墟蓋綦重矣迺所稱志闕如也歲序迭更文獻散謝
諏詢無自卽有宏治嘉靖兩志挂一漏萬幾無志矣域
中三大權史處一焉夫郡之志亦猶乎國之史古有左
右史以書君舉有外史以掌四方之志遞至閭里眾庶
亦且黨正月書族師歲書鄉大夫三年獻書藏於內史
州顧可闕史與余守州幾兩年諮風問俗旣諳其大都
乃謀諸廣文李君日滋徐君文淵孔君貞明管君汝弼

及二三文學始於仲秋窮日夜讐鏗迄冬初落成余得
敘諸簡首按桐治西接京邑東接吳越南接宛北接義
興沃衍不如京邑斌蔚殷厚不如吳越據上游毓靈異
不如宛若義興然溪山錯麗人酥俗醕勤嗇不後公儉
共無齷禮則其天性然也先是與諸君約曰陵谷依然
名稱時貿臚列宜核化以風行政由俗革採輯宜詳華
實之毛食貨所資生齒所天記載宜悉一代靈心他年
金鏡是屬藝文銓次宜慎王者設官爲民官師備而政
教興甘棠在蔭峴首在望世澤在人宦績宜述人傑地

靈地以人重甘心附羶避形諛墓是非訛易潛光莫耀
咎在秉筆人物宜訂諸若古蹟若祥異亦博綜者不遺
也搜羅宜廣蓋約不翅闕石而諸君暨余不佞之守約
不翅金城試以懸國門昭畫一庶幾無負志矣而余又
一聽之於時蓋運會邁矣盈不耐無虛地靈宣矣沃不
耐無瘠家聲其祥矣休不耐無咎人稟其秀矣成不耐
無虧二百年來承平日久其能違時而無譏且信其間
乎時至而百志成志之所繇盛也故典謨陳約而春秋
不以貶經春秋法嚴而遷固不以貶史要皆篤於時也

余固以竢諸篤時之君子時萬厯壬子陽月上浣之吉
萬厯廣德州志評本

崇禎末邑人盛於德評李州守國相得其本

續廣德州志二十卷

國朝順治三年州守閔以棟卽萬厯志補數條今稱續萬
厯志

廣德州志二十卷

康熙六年州守楊苞主修洛陽陳珏總纂越兩月告成
大參周亮工按察副使沈鼎序楊有自序判官蔡之芳

廣德州志

卷首

舊志緣起

六

後序其書無他能惟取萬厯志刪之耳今稱楊志

楊苞廣德州志序云余昔令洛時嘗從事於郡志矣宏
農十四屬洛陽實領袖之時二三鄉大夫操觚執簡參
伍錯綜余咸得往復折衷焉癸卯秋仲承乏桐汭驅車
至止考鏡往轍以稽得失見舊志舛譌卽欲修輯之念
受事伊始政教未孚徒懷鬱鬱年來荷

聖主鴻庥蝗虎無眚各上台寬政雞犬不驚余始得優游
與田峻父老講稼穡艱難察閭閻疾苦尤喜桐汭俗朴
民愿諸父老頗能亮余赤腸率之輒應如百雉城堞向

之頽若敗垣者今則屹屹崇墉矣數仞宮牆向之淪於瓦礫者今則煥然丹雘矣他若飾城隍祠葺皇華館闢門以挹秀水建橋而迓福星先後三四年次第締造余固拮据不辭瘁諸百姓實爭趨而不言勞迄於今一庭訟簡四境晏如余敢曰貪天爲功哉竊念長吏之於地方率五日京兆耳郡乘一書余既有夙心若因循不舉以待後人恐後人又待後人終成缺陷丁未冬適洛陽陳明經珏顧余於桐陳明經天中名宿昔修志於宏農者也余心因愈躍然遂謀諸學博荆君振日進諸紳士

之淹雅者如岑進士鶴陳孝廉哲戈明經標弟子員濮陽鄒戈夔戈襄與陳明經珏共訂之曰膏火薪爨郡大夫之事也余不敢委諸異人微顯闡幽諸君子幸金玉墨瀋而勿輕以椽筆貸親知朝夕討論芟其繁蕪訂其舛謬余猶恐聞見不廣考究不精自五達通衢以至三家孤村反覆採訪不厭亶亶始事於丁未冬仲授梓於戊申春季閱五月而志成余惟今之郡志古列國史也太史陳之輜軒採之所以考政治驗風俗稽物理是志所編由唐宋以迄今日始終不紊條理咸備後人因是

求之則桐汭一郡上下千餘年燦若指掌不甯惟是桐之士若民當日范希文孫莘老鄒東廓諸先生所愛養而教迪之士若民也後之官於斯者思諸先生之所以爲政則里閭咏樂只矣思諸先生之所以爲教則頓壁頌樸棧矣若夫查清容之恬靜王原采之孤忠李司空夏司馬之事業姜莊介之清操李侍御之建白是桐汭間出之名賢也桐之人師之效之則正士輩出川嶽有餘輝乎至於浴兒之不昧遺金夏女之殉節未嫁尤爲委巷楷模閨閣標的倘能今昔不殊源流相繼是余求

廣德州志

卷首

舊志緣起

八

志夙心也夫康熙七年歲在戊申仲春吉旦

廣德州志

康熙十二年州守高拱乾奉檄重修視楊志稍更體例而增一序耳

續修廣德州志二十六卷

康熙二十二年州守門可榮修時編

大清一統志檄取各郡縣志因卽高志補職官選舉及禁革里排碑餘仍楊舊康熙二十三年王新命等修江南通志門可榮與焉則知乾隆元年趙宏恩等重修江南

通志諸所採廣德州志皆是本也今稱門志

廣德州志三十卷

乾隆四年州守李國相修自序三月告成視楊頗多增補而無所據依今稱李志

李國相廣德州志序云甲寅歲余來蒞桐未幾桐之紳士卽有以郡志之缺漏漫滅亟宜修輯爲予請者余曰事固有先後次第布之可也今歷六稔阜成乏效然竊幸庶士庶吏庶民無不懷予之勤而安予之朴凡興作成績積年廢墜者或爲請命或捐薄俸亦莫不克復舊廣德州志

卷首

舊志緣起

九

觀夫紀綱敷布當思激勸之方

盛治休明勿缺紀載之典於是而志書之修輯不可更緩矣雖然是不易言也國相依日月之末光沾雨露之渥澤側身

北闕備位西曹雖未列玉署之班觀柱下之藏而褒貶取舍之義聞之素矣夫志乃周禮小史外史之遺與

國典相爲表裏毋缺毋濫毋混是非毋失輕重毋蹈浮華毋襲固陋敢曰區區郡乘珥筆漫書哉爰取楊守及門守兩志合觀之門仍乎楊究無異同然則綏安之志自

楊守後實闕如也於今七十餘年矣而楊守所訂之志
又一因郡人司空李得陽獨爲纂定之志而刊布之漫
無從違嗚呼年遠事湮安能徵信載籍滅沒孰爲傳人
幸而明季盛生於德桐之隱君子也曾取萬厯壬子之
志私加評隲舊本猶存余因摻得之更訪求故老斟酌
傳聞乃於舊志有以補其缺汰其濫辨其是非較其輕
重斂其浮華文其固陋參集眾思三月成書爲綱九爲
目二十有九其附載眾目者又十餘條予更倣班范漢
書各卷之後著爲論贊文難曲中意非深遠大約欣喜
愛敬之情多其他或倣或戒或咨嗟太息要不過藉是
爲激勸之方而已矣人有曰史有美惡志祇揚善然而
卓茂見褒武健漸息王烈修德奸盜悉化彰善何嘗不
寓瘴惡之權志之與

國史相爲表裏信矣嗚呼風土人物食貨營建興學舉祀
余六年來何日不至諸心乎今志諸心者更從而志諸
書分卷成帙警觸彌深范文正眞文忠諸公果何從而
追其芳躅後來牧是土者覽是書思保釐之方疊疊不
倦豈僅曰志予之志而已哉乾隆四年己未秋日

桐川樂府一冊

康熙五十七年學正吳甯謚撰州守周在建序而梓之
凡三十二章皆古蹟也或紀實或糾繆足稱志乘之闕
陳祥齋序云近日視志為具文少佳者然未有甚於桐
川之荒唐悖謬者得此以激揚之非尋常吟詠比也

復初書院志

乾隆四十八年州守石應璋撰

案楊志書籍有復初

書院志一本不著撰人久佚石志刻而未成僅見其序

右舊志計十四部

廣德州志

卷首

舊志緣起

十一

嘉靖建平縣志

明嘉靖七年縣令連鑛劬

萬厯建平縣志八卷

萬厯三十六年縣令朱之楫修浙江金汝礪張子檀等
纂朱自為序為綱八目二十四

建平縣志

國朝順治四年縣令張正中修

建平縣志

康熙十二年縣令高自遠修邑人岑鶴等纂

案此名

州縣合志昧統轄之義貢震已論之矣

建平縣志二十四卷

康熙三十八年縣令茅成鳳修自序云夏日微疴取舊志重修不閱月而書成惟於職官增一劉宜輒自矜詡為記略一篇以修志為養疴之具亦異聞也

建平縣志二十六卷

雍正九年縣令衛廷璞主修取茅志刪其十一所增皆自敘政績今縣所呈志書止此一本

建平存稿二卷

廣德州志

卷首

舊志緣起

三

乾隆二十七年縣令貢震著

右建平舊縣志計七部

以上胡志案胡志另載舊志各序今改附各志目後

廣德州志五十卷

乾隆五十七年知州胡文銓主修并序海甯周廣業題

辭并例言州學正王其福後序

俱見前

增補廣德州志十六卷

道光二十七年知州裕文主修并序

見前

廣德州志總目

卷首

序

凡例舊凡例附

總目

舊志緣起

圖

卷一之卷五

地域志

建置沿革

沿革表

星野

形勝

疆界鄉都坊保

山川塘壩

名蹟

卷六之卷十五

廣德州志

卷首

總目

一

營建志

城池

公署

學校書院附

兵防

郵遞

倉廩

市鎮

坊表

津梁

壇廟

寺觀

塋墓

卷十六之卷二十二

田賦志

戶口

田額

賦額

漕儲

課稅

蠲卹

物產

卷二十三之卷二十四

典禮志

慶賀

祭祀

附 救護

鄉飲

賓興

附 入學

講約

迎春

附 勸農

風俗

節序

卷二十五之卷三十三

職官志

守令

僚屬 教職

武職

宦績

封爵

卷三十四之卷三十七

選舉志

薦辟

進士

舉人

副榜

廣德州志

卷首

總目

二

歲貢

選貢

恩貢

例貢

附 監選

掾選

仕籍

武科

武弁

封贈

廕襲

賓介

壽官

義官

卷三十八之卷四十二

人物志

名臣

忠烈

循吏

儒碩

文苑

武功

孝友

義行

隱逸

寓賢

方技

仙釋

卷四十三之卷四十八

列女志

完節

節烈

貞孝

賢媛附閩秀

卷四十九之卷五十六

藝文志

表疏

諭禁

碑記

雜著

詩

書目

卷五十七之卷六十

雜志

祥異

兵寇

軼聞

叢綴

廣德州志

卷首

總目

三

卷末

補正

廣德州志

圖 新增試院圖
並文昌宮圖


古者記地必繫以圖故曰圖記曰圖經亦曰圖志隋以來如周地圖記冀齊幽等州圖經區宇圖志元和郡縣圖志皇祐方域圖記武陵圖經廣西郡邑圖志是也今志首以圖州與屬縣合如聚米分如布碁所謂宮宅地形可一覽知也其景大者在一州小者在一山而山川城郭又今昔稍殊故為州屬總圖一分圖四解宇學宮書院圖各一廟圖四景圖十舊圖十共圖三十有四

廣德州志

卷首

圖

州屬圖





廣德州志

州四境圖

卷首

圖

二




廣德州志

州署圖

卷首

圖

四




儒學圖

廣德州志

卷首

圖

五




廣德州志

卷首

圖

六



麗正門




節孝祠



尊經閣

四先祠

崇聖祠



井



大成殿

宿

儀

舞

東




鄉賢祠




戟門

戟

名宦祠



學正署



星池

泮

橋

星

學塘

文昌宮圖



魁星樓

文昌宮

三台閣



廣德州志


卷首

圖

七

試院圖

巡更衙



廣德州志

卷首



圖

巡更衙

八

書院圖

咸豐九年改為試院





廣德州志

卷首

圖

九

關帝廟圖



新關帝廟圖

廣德州志


卷首

圖




十

玉溪橋

大殿



鼓吹





廣德州志

卷首

圖

十一

城隍廟圖



祠山廟圖

廣德州志


卷首

圖

十三



曹家街





橫山遠眺
小橫山


廣德州志

卷首

圖

十三





北平胡志潛寫

廣德州志


卷首

圖

十四

大洞幽深





義蒼奇絕

廣德州志

卷首

圖

十五

大洞山

洞口

二儀攸分

西洞

玉女峯

義蒼山

雲棲岩

洗藥澗

廣德州志

卷首

圖

六

蟬蛻關

石封趙桐源寫



東湖漱灑

廣德州志


卷首

圖

六

蟬蛻關


石封趙桐源寫



廣德州志

卷首

石溪古意



圖

十七



牛頭場


廣德州志

茅嶺新晴

卷首

圖

六





廣德州志

三峯疊翠

卷首

圖

九



山竹

石磯釣

廣德州志

卷首

圖


二

五老摩空

檀花山

龍潭

白洪



廣德州志

席帽奇蹤

卷首

圖

三





廣德州志
靈山真境

卷首

圖

三

雲間王湘寫




廣德州志

建平縣城圖

卷首

圖

三



廣德州志

卷首

圖

四

建平縣四境圖

大濤山

石頭山

白茅汛

分界山

子胥廟

伍牙山

龍潭

武山

浮塘湖

金華嶺

龍台寺

浮塘鋪

濤城鋪

長樂鋪

山下鋪

搖車口

莊山

聚寶山

梵王寺

大岩山

定埠汛

梅渚司

分源廟

文昌閣

接官亭

八蜡廟

迎蘭亭

準提廟

白鶴觀

關帝廟

大方伯坊

鳳凰臺

三官堂

豫備倉

建平縣署


忠義祠

學署

書院

觀瀾亭

觀瀾亭




廣德州志

卷首

圖

三五

萬曆志州四境圖



壽昌寺

山莊

松墩鋪

顧置汎

謝家鋪

荆軻廟

東夏渡

吳家橋

厲壇

橋隘泥

永惠亭

社稷壇

利山殿

迴瀾亭

開法寺

法雲院

大佛寺

清濟殿

吳村渡

汪家渡

汪家庵

壽福庵

白鶴觀

關帝廟

忠孝祠

訓導台

文廟

教諭署

裏南湖

赤山

鳴鼓墩

演武亭

乾溪

法雲庵

世社亭

寶光寺

丁塘橋

鎮山

四路橋

廣寧鋪

馬山鋪

方家鋪

石佛山

朱塘

吳村渡

寶林寺

香山

雨花寺

興山

山

山

山

山

杭村巡檢司

山西鋪

屠村鋪

澗西鋪

洪村鋪

水心鋪

揚邨鋪

株樹鋪

王婆鋪

分界鋪

合路鋪

搭畢鋪

東亭鋪

東亭澗

廣安巡檢司

察院

儒學

馬蓮塘

管塘

武門

武門

山

山

廣德州志

萬曆志縣治圖

卷首

圖

三



懷忠祠

文正公祠

集英館

西號

尊經閣

祠賢鄉

院書初復

先師廟

田

門戟

井亭

池泮

門星櫺

碑

齋

周公祠

訓導

田

學正衙

樓門學



廣德州志

卷首

圖

三六

李志州屬圖





廣德州志

卷首

圖

三九

李志州四境圖

南碕湖

黃家舖

白茅舖

山舖

長樂舖

濤城舖

浮塘舖

山祠

石舖

英溪舖

紫岡舖

普節舖

柯匠舖

界牌

東亭舖

王舖

路舖

演武場

水舖

楊那舖

東平殿

管塘

高湖塘

白馬塘

東亭湖

廣安司

關凌苦

山壇

清水亭

天寧寺

東亭舖

廣安司

山壇

清水亭

白馬塘



廣德州志

李志州署圖

卷首

圖

三





李志儒學圖

廣德州志

卷首

圖

三



李志縣城圖



廣德州志

卷首

圖

東

三三



廣德州志

李志縣四境圖



岩頭

卷首

圖

三四

北



廣德州志

卷首

圖

三五



志博覽

